



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2016 жылғы 4 қазан

ҚР Ұлттық Банкінің өкілдері сарапшылармен ақша-кредит саясаты мәселелерін талқылады

Қазақстан Ұлттық Банкінде қаржы реттеушісі өкілдерінің сараптамалық қоғамдастықпен кезекті кездесуі өтті. Бұл – осы жылдағы бесінші кездесу.



2016 жылы Ұлттық Банк бұқаралық ақпарат құралдары үшін де, сарапшылар үшін де базалық мөлшерлеме жөніндегі шешімдерді түсіндіру практикасын енгізгенін атап өтеміз. Мәселен, бүгінгі кездесу шеңберінде ҚР ҰБ өкілдері базалық мөлшерлеме бойынша шешімдер қабылдау кезінде қандай факторлардың ескерілгенін түсіндірді, сарапшылармен қаржы нарығындағы ахуалды талқылады және олардың реттеуші жүргізіп отырған ақша-кредит саясатына қатысты сұрақтарына жауап берді.

ҚР ҰБ Монетарлық операциялар департаментінің директоры Әлия Молдабекова 2016 жылғы 2 ақпанда Ұлттық Банк валюта және ақша нарықтарындағы ахуалдың тұрақтануы нәтижесінде базалық мөлшерлемені +/- 2 пайыздық тармақ ауытқуымен 17% деңгейінде белгілегенін еске түсірді. Ақша нарығы мөлшерлемелерінің жоғарғы және

төменгі ауытқуларын қалыптастыратын өтімділікті беру және алу бойынша тұрақты қол жеткізу операциялары бойынша мөлшерлемелер тиісінше 19% және 15% деңгейінде белгіленген болатын.

«Базалық мөлшерлеме 2016 жылғы 6 мамырда 15%-ға дейін төмендегеннен кейін және пайыздық дәліз тарылғаннан кейін ақша-кредит талаптары аздап жұмсарды. 11 шілдеде Қазақстан Республикасының Ұлттық Банкі базалық мөлшерлемені +/-1 пайыздық тармақ дәлізімен 13% деңгейіне дейін төмендету туралы шешім қабылдады. 3 қазанда базалық мөлшерлеме макроэкономикалық жағдайлардың жақсаруы нәтижесінде +/- 1% пайыздық дәлізімен 12,5%-ға дейін төмендетілген болатын», – деді Ә. Молдабекова. Оның айтуынша, қазіргі уақытта валюталық депозиттердің теңгедегі депозиттерге әлі күнге дейін конвертациялануына байланысты банк жүйесіндегі өтімділіктің шамадан тыс ұсынылуынан, сондай-ақ фискалдық факторлар есебінен ақша нарығындағы мөлшерлемелер пайыздық дәліздің төменгі шегінде тұр.

«Базалық мөлшерлеме сыртқы нарықтың біз үшін негізгі сегменттеріндегі, ең алдымен мұнайдың әлемдік нарығындағы оң серпін нәтижесінде төмендетілді. Сонымен бірге шешімге ішкі қаржы нарығындағы тұрақты ахуал да әсер етті», – деп жалғастырды ҚР ҰБ Зерттеулер және статистика департаментінің директоры Виталий Тутушкин.

Оның айтуы бойынша ҚР ҰБ-ның 2016 жылға арналған инфляция бойынша дәлізге (6-8%) қол жеткізуге қатысты күтулері сақталып отыр.

«Макроэкономикалық көрсеткіштер экономиканың сыртқы жағдайдың өзгеруіне және айырбастау бағамының құбылмалылығына біртіндеп бейімделгенін көрсетіп отыр. Алайда экономикалық белсенділік серпініндегі оң үрдістерді орнықтыру үшін уақыт қажет», – деп толықтырды В.Тутушкин.

Сарапшылардың жақын арада туындауы мүмкін қандай да бір тәуекелдердің Ұлттық Банктің базалық мөлшерлеме бойынша шешіміне қалай әсер етуі мүмкін деген сұрағына ҚРҰБ өкілдері былайша жауап берді: «Жалпы алғанда, қаржы нарығындағы және экономикадағы ахуал базалық мөлшерлеме бойынша шешім қабылдаудың алдыңғы кезеңімен салыстырғанда барынша қолайлы қалыптасуда. Алайда, мұндай оң үрдістерге қарамастан, базалық мөлшерлемені ақырындап және жан-жақты саралап барып өзгертуге ынталандыратын жағдайдың ықтимал өзгеру тәуекелін ескермеуге болмайды. Осы орайда, Ұлттық Банк базалық мөлшерлеменің белгіленген деңгейін неғұрлым қолайлы деп санайды, алайда инфляциялық процестердің баяулауы расталған және жылдық инфляцияның тұрақты төмендеу беталысы, сондай-ақ теңгемен депозиттердің тұрақты өсуі жағдайында біз базалық мөлшерлеменің ағымдағы жылдың соңына дейін төмендеуі мүмкін деп ойлаймыз».



Экономикалық талдаушы Алмас Чукин атап өткендей, «ҚР Ұлттық Банкі өз саясатын жүйелі және нақты жүргізіп отыр». Реттеуші жүргізіп отырған саясаттың ашықтығын осы кездесуге алғаш рет қатысқан экономист Қанат Нұров та атап өтті. «Бұл іс-шара маған жағымды әсер қалдырды. Біздің әр сұрағымызға жан-жақты жауап берген Ұлттық Банк қызметкерлерінің кәсібилігін ерекше атап өткім келеді, - деді ол. «Мұндай талқылаулар қаржы тақырыбына жазатын журналистер үшін пайдалы. Маңызды ақпаратты алғашқы дереккөзінен аласың», - деп қосты қаржы шолушысы Светлана Грибанова.

ҚР ҰБ өкілдері мен сарапшылар ақша-кредит саясаты мәселелері бойынша пікір алысты, сондай-ақ ынтымақтастықты жалғастырып, осындай кездесулерді тұрақты негізде жүргізіп отыруды шешті.

Қазақстанның сараптамалық қоғамдастығымен кездесу қаржы реттеушісінің нарықпен және жұртшылықпен белсенді коммуникациялар саясаты шеңберінде Ұлттық Банктің бастамасы бойынша өткізілетінін еске саламыз. Базалық мөлшерлеме бойынша келесі шешім 2016 жылғы 14 қарашада Астана уақыты бойынша 17.00-де хабарланады.

Толығырақ ақпаратты мына телефондар бойынша алуға болады:

+7 (727) 2704 585

+7 (727) 2704 697

e-mail: press@nationalbank.kz

www.nationalbank.kz

